

十驾斋养新录

清·钱大昕著

上海书店出版

清·钱大昕撰

十驾斋养新录

上海书店出版

首都师范大学图书馆



20946747

146737



本书根据商务印书馆1937年版复印

十驾斋养新录

清·钱大昕撰

上海书店出版

(上海福州路401号)

上海市印刷七厂印刷

开本 787×1092毫米 1/32 印张 18 3/4 插页 2

1983年12月第一版 1983年12月第一次印刷

印数1-8000

J66·1 定价2.20元

十駕齋養新錄序

學術盛衰。當於百年前後論升降焉。元初學者。不能學唐宋儒者之難。惟以空言高論。易立名者爲事。其流至於明初五經大全易極矣。中葉以後。學者漸務於難。然能者尙少。我朝開國。鴻儒碩學。接踵而出。乃遠過乎千百年以前。乾隆中。學者更習而精之。可謂難矣。可謂盛矣。國初以來。諸儒或言道德。或言經術。或言史學。或言天學。或言地理。或言文字音韻。或言金石詩文。專精者固多。兼擅者尙少。惟嘉定錢辛楣先生。能兼其成。由今言之。蓋有九難。先生講學上書房。歸里甚早。人倫師表。履蹈粹然。此人所難能一也。先生深於道德性情之理。特論必執其中。寔事必求其是。此人所難能二也。先生潛攷經學。傳注疏義。無不洞徹原委。此人所難能三也。先生於正史雜史。無不討尋。訂千年未正之譌。此人所難能四也。先生精通天算。三統上下。無不推而明之。此人所難能五也。先生校正地志。於天下古今沿革分合。無不考而明之。此人所難能六也。先生於六書音韻。觀其會通。得古人聲音文字之本。此人所難能七也。先生於金石。無不編錄。於官制史事。攷核尤精。此人所難能八也。先生詩古文詞。及其早歲。久已主盟壇坫。冠冕館閣。此人所難能九也。合此九難。求之百載。歸於嘉定。孰不云然。元嘗服膺曾子十篇矣。曾子曰。難者弗辟。易者弗從。故聖賢所能。必爲至難。若立一說。標一旨。卽名爲大儒。恐古聖賢不若是之易也。先生所著書。若

廿二史攷異、通鑑注辯正、元史藝文志、三統術衍、金石跋尾、潛研堂文集、久爲海內學者所讀矣。別有十駕齋養新錄廿卷，乃隨筆札記經史諸義之書。學者必欲得而讀之，乞刻於版。凡此所著，皆精確中正之論，卽瑣言剩義，非貫通原本者不能。臂之折杖一枝，非鄧林之大不能有也。噫嘻難矣！元於先生之學，未能少測厓岸，僅就所自見者，於百年前後，約舉九難之義，爲後之史官傳大儒者略述之。

嘉慶九年歲次甲子小雪日，揚州後學阮元謹序。

自序

芭蕉心盡展綠枝。新窠新心暗已隨。願學新心養新德。長隨新葉起新枝。張子厚詠芭蕉句也。先大父嘗取養新二字。榜於讀書之堂。大昕兒時侍左右。嘗爲誦之。且示以溫故知新之旨。今年逾七十。學不加進。追惟燕絮之言。泚然汗下。加以目眊耳聾。記一忘十。聞字之寡不來。借書之寡久廢。偶有聞聞。隨筆記之。自慙螢爝之光。猶賢博塞之好。題曰養新錄。不敢忘祖訓也。嘉慶四年十月。書於十駕齋。

錢辛楣先生年譜序

唐宋以來名公巨卿皆有年譜。然必爵位功業道德文章炳耀一世。而又克享大年。則及身自爲之。而無忝後學代爲之而足徵。與國之史傳家之世系可互相參攷者也。唐香山居士白文公自編長慶前後各集。并以年譜。今集中所刻出於陳伯玉李德劭之手。則公自編之譜久已散佚。然公之年齒官階時事出處一一見諸詩集。讀其詩而年譜卽在其中矣。嘉定錢竹汀宮詹甫晬能言。母沈太恭人指玉而二字教之。試以他書指認不誤。與香山之生七八月。乳母抱立屏下。指之無二字。百試不差者正同。豈非文人偉業異世相符者乎。先生鍾光岳氣完之運立堯舜賡歌之廷。年甫及艾。養疴里門。雖位止九卿。功業未顯。而道德文章中外仰之。如泰山北斗。著述之富網羅百家。沾溉藝苑。高麗使臣在都購其詩文集。嚮諸國中與香山之日本新羅鈔寫其本者亦復相似。故翼謂先生卽我朝之白傳也。歲在庚申。獲交先生從孫直卿學博。以先生年譜見示。壬子以前先生自撰。後十二年其曾孫又沂學博補編。受而讀之。知先生少壯時所親炙者先達名流。而後之同年儕輩門生新進皆鴻博之碩儒。詞章之宗匠。尙論者可想見當時國運之隆。人才之盛。而先生令名壽考全受全歸。此又名公卿年譜中所罕觀也。憶嘉慶壬戌先生重游泮水。翼年十四歲。不獲親瞻道範。及與令孫竹孫學博同歲游泮。禮宜晉謁門下。而哲人已萎。徒深歎慕。

十駕齋養新錄 錢辛楣先生年譜序

一二

迄今天假之年。龍鍾未死。猶得腆顏泚筆。附名於一代大儒之譜末。是則厚幸也夫。咸豐十年陽月既望。寶山袁翼謹撰於豫章郡寓齋。時年七十有二。

錢辛楣先生年譜

曾孫慶曾校注

竹汀居士年譜手編自題

謹案公諱大昕字曉徵一字及之號辛楣又號竹汀居士姓錢氏先世鳳里公諱銳明正德間自常熟雙鳳里贅嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱珠侍郊公生公順郊公諱炳順郊公生侍郊公諱岐是爲公曾祖

雍正六年戊申正月七日戊午戌時居士生於嘉定望仙橋河東宅

謹案吾家自鳳里公治居盛涇再傳而析二支一居外岡一居望仙橋望仙橋鎮在縣城西十八里

先大夫年逾三十尙未得子姑夫沈組佩先生言房門不利當閉之而別啓戶焉如其言期年而居士生

謹案高祖中憲公諱桂發字芳五號小山縣學附生以公貴封奉政大夫翰林院侍讀曾贈中憲大夫詹事府少詹事著有方壺吟藁三卷享壽七十有九生於康熙三十六年至是年三十二矣沈諱張坊新陽縣庠生居嘉定以子魁官贈奉政大夫貴州威甯州知州

七年己酉年二歲

居十甫周歲能言母沈太恭人指玉而二字教之更以他書覆試卽指認不誤晬日家人陳百物於

盤居士諦視良久。惟取一筆。

謹案公集奉政公家傳云。甫辟卽教以識字。

八年庚戌。年三歲。

沈太恭人歸甯。攜居士至外祖宅。外祖喜其慧。了引詣諸戚友家。見堂上扁聯。皆能成誦。

謹案公外祖沈處士諱時俊。居青浦之黃渡鎮。

九年辛亥。年四歲。

十年壬子。年五歲。

始從塾師曾獻若先生問字。

謹案奉政公家傳云。比五歲。受以經書。稍暇卽與講論。前代故事。詳悉指示。俾記憶勿忘。乃止。如是者殆十年。曾公諱佳。縣庠生。中憲公業師。

十一年癸丑。年六歲。

十二年甲寅。年七歲。

先大夫移居河西宅。

十三年乙卯。年八歲。

乾隆元年丙辰。年九歲。

議案是年中憲公入學，公集中憲公行述云：年歲強仕，始受知於學使禮部侍郎桐城張公廷爵。三上秋闈，不過杜門課徒自給。

二年丁巳，年十歲。

大父奉政公館望仙橋楊氏，即從大父受業，初學爲八股。

議案奉政公諱王桐，字青文，號陳人，縣學生。鄉飲大賈，壽九十有二，著有字學海珠三卷，星命瑣言一卷，以公貴，贈奉政大夫、翰林院侍讀。奉政公夙精小學，教以訓詁音韻，公能貫通大意，奉政公嘗謂此子入許鄭之室，無難也。

自夏至冬病疥，廢學。

三年戊午，年十一歲。

始應童子試。

議案是年邑令爲咸甯黃公建中。

四年己未，年十二歲。

先大夫館外岡族父元禮齋，從先大夫學。

議案外岡鎮在縣城四十二里，元禮先生諱楷，國學生，與公同出北郊公。

五年庚申，年十三歲。

仍從先大夫在外岡書齋，其夏復應童子試，邑尊永嘉林公諱上梓面試，大加獎賞，揭案名在第六。

先大夫攜居士謁謝公曰。令子遠大之器。不必欲其速售也。

六年辛酉。年十四歲。

先大夫館族兄彥輝齋。仍從先大夫學。

謹案彥輝先生諱燦。國學生。與公同出順郊公又案中憲公行述初館元禮先生齋。後館彥輝先生齋。皆撫公自隨。晨夕督課。當是時。舉業家皆不習詩。生徒或私作韻語。則父師相詬病。以爲妨於制義也。中憲公獨喜教公爲詩。示以唐人文章宅句之法。則公之始學爲詩。當在此三四年間。是秋中憲公赴江甯鄉試。公卽攝館。

七年壬戌。年十五歲。

是歲負笈入城。從曹丹五先生學。同筆硯者。陸昌雅、李斗祥、韓萬原、徐毓洲諸君。及先生之子習庵也。

謹案曹封翁諱桂芳。號楨潛。歲貢生。習庵學士名仁虎。字來殷。辛巳進士。陸名授詩。與公同入泮。少年有才。早世。韓名本。徐名灝。秀皆縣學生。公詩集有徐毓洲讀書僧舍集杜詩相寄之作。又嘗爲記芥舟山房見文集。

其夏復應童子試。受知於學使內閣學士劉公諱藻。覆試日。見居士方髫齡。別置筆硯於它所試之。較原卷更佳。次日復特招覆試。以焉知來者之不如今也爲題。試畢獎勵甚至。贈以筆墨數事。公嘗語人曰。吾視學一載。所得惟王生鳴盛、錢生大昕兩人耳。是時始與禮堂定交。外舅虛亭先生見居士文。亦以爲不凡。明年始有昏姻之約。

謹案劉制軍原名玉燦字素在山東荷澤人丙辰博學宏詞王封翁諱爾達字非聞歲貢生子光祿諱鳴盛字鳳階號禮堂又號西莊公同年進士及第官內閣學士兼禮部侍郎左遷光祿寺卿
早年與公齊名人稱錢王

八年癸亥年十六歲

仍假館曹氏

謹案曹封翁自外岡徙居城東顏其堂曰蓉鏡公乞假歸里時曾爲作記見文集

九年甲子年十七歲

學使開公泰科試取一等第七名

謹案開制軍字兆新號敬庵滿洲正黃旗人甲辰進士時官兵部侍郎

是秋鄉試始與王蘭泉定交

謹案王少司寇名和字琴德號蘭泉又號述庵公同年進士居青浦縣之朱家角里又案是年十月公弟可廬先生生

十年乙丑年十八歲

始授徒塢城顧氏其家頗藏書案頭有資治通鑑及不全二十一史晨夕披覽始有尙論千古之志讀東坡戲作賈梁道詩輒援晉書以糾其失中年見浙中新刊查注蘇詩已先我言之然居士年未弱冠考據已有與前輩闇合者矣

羅案塢城在縣城東南四十里。諸生顧公我澍，公亞壻也。是年延館其家，公辨正蘇詩，誤以司馬懿爲司馬師，見養新錄卷十六。

十一年丙寅，年十九歲。

仍授徒顧氏。

讀李延壽南北史鈔，撮故事爲南北史傳一冊。

羅案家藏公手書冊子十餘幅，皆節錄南北史語并記云：舟中攜有此書，錄出數則以備兒童遺忘。蓋公少年篤好此書，大半能成誦，故取以爲傳家之學。

十二年丁卯，年二十歲。

是秋應江南鄉試，同考官廣德州知州歷城曾公尙增得居士卷，奇之，薦主司，不見售。

羅案公壽邵松阿舍人七十詩云：同出南豐一瓣真。自注：君鄉試出長清曾公房，予出曾公薦，爲試官所黜。

十三年戊辰，年二十一歲。

四月，學使尹公會一歲試，取一等第六名。

羅案尹公字元孚，直隸博野人。甲辰進士，時官工部侍郎。

八月，祖母朱宜人歿。

羅案朱宜人，處士德臻公女，年八十有二。中憲公恪遵家法，不作佛事。

十四年己巳，年二十二歲。

巡撫覺羅博軒公雅爾哈善聞予名。徵本縣具文送紫陽書院肄業。時侍御王艮齋先生爲院長。閱居士課義詩賦論策。歎賞不置。曰：「此天下才也。」自是課試常居第一。青浦王蘭泉、長洲褚鶴侶、左莪及禮堂習庵皆在同舍。以古學相策勵。吳中老宿李客山、趙飲谷、惠松厓、沈冠雲、許子遜、顧祿百亦引爲忘年交。

議案公作習庵先生墓志。博軒作碑亭。侍御譚峻字次山常熱人。甲辰進士。鶴侶舍人名寅亮。公同年召試。賜舉人。左莪學士名廷璋。癸未進士。李布衣名果。趙徵士名虹。惠徵士名棟。沈徵士名彬。許大令名廷饒。順上舍名詒。錄惠長於公三十餘年。沈長於公四十年。又案先是王少司寇肄業紫陽書院。與王光祿同舍。始知公幼。善讀書。有神童之目。及院長詢以今日人才。則以公對。院長轉告巡撫。巡撫喜甚。招公至院試。以周禮文獻通攷兩論。公下筆千言。於是驚異院中諸名宿。莫不歎手敬之。

十五年庚午年二十三歲。

學使崔公紀科試一等。時松江士子亦赴崑山科試。因得與黃芳亭、趙損之、張少華、吳白華、凌祖錫諸君交。

臨案崔副憲字君玉。號南有。蒲州人。戊戌進士。時官祭酒。黃司諫名文藻。趙光祿名文習。壬午召試。賜舉人。以主事死。金川縣贈光祿寺少卿。入祀昭忠祠。張舍人名熙純。皆上海人。吳侍郎名魯欽。癸未進士。南匯人。凌上舍名應曾。亦上海人。與公同應召試。

秋應江南鄉試。報罷。

江甯翁朗夫到吳門，特來訂交。

議案翁徵士
名照，號濤堂。

其冬娶先妻王恭人贅居外舅宅。

議案王恭人爲虛亭先生
幼女，事詳公文集卷五十一。

院長良齋先生以疾辭去代之者，長洲沈歸愚先生也。

議案公詩集有用昌黎會合聯句韻，送王良齋先生歸海虞之作。沈文愨公諱德潛，己未進士，官
學禮部尚書，在院錄刊江左七子詩選。七子者，公及王光祿、王少司寇、吳竹嶼、舍人趙損之光祿
曹習庵學士、黃芳亭司諱也。尋成風行於世。賈伯有攜至日本者，其國相
高橋讀而善之，爲七律八贈一章，寄估以達。人豔稱之，以爲雞林之比。

十六年辛未，年二十四歲。

是歲大駕始南巡，江浙吳中士子各進獻賦詩。大昕進賦一篇，學使番禺莊公滋圃選入一等，有詔
召試江甯行在，欽命題「蠶月條桑賦」，指倭草詩理學真僞論，閱卷官大學士滿洲高文定公、兵部侍
郎休甯汪文端公、刑部侍郎嘉興錢文端公擬定一等二名，特賜舉人，授內閣中書學習行走。四月
二日，於揚州香草寺行宮謝恩，特賜御製生秋詩石刻。其秋，高文定公招至清江浦公署，館於荷芳
書院西偏。翁朗夫、周讓谷、莊培封皆在幕府，意甚相得。

議案莊協揆諱有恭，己未進士及第，高公諱斌汪相國諱由敦，甲辰進士，錢尚書諱陳羣，辛丑進
士，是年與公同應召試入中書者，懷甯蔣公雅植、全椒吳公頌、長洲褚公寅亮、休甯吳公志鴻、常

熟係公夢達凡六人周刺史名天度
王申進士仁和人莊公名德陽湖人

又案試作刻入南巡盛典詩見詩集卷三
鮮依依靈楊柳之態尋條赴節情韻環周唐人律賦中亦稱高手詩格並見大方
入中書有紀恩詩
時未摘曉也公

十七年壬申年二十五歲

三月束裝入都過清江浦文定公復留住公署兩月乃買舟送居士與讓谷北行到都就舍繩匠齋
衡與褚鶴侶同年同寓始入內閣票籤房辦事每三日一人直十日一直宿

議案公清江浦懷舊詩壬申之夏渡清江固哉亭前賦折柳自注云是歲相
國高文定公具舟送予北上同舟者仁和周君天度陽湖莊君櫨及予三人

其秋會試不第移寓潘家河沿仍與鶴侶同居

十八年癸酉年二十六歲

在中書任暇與吳杉亭褚鶴侶兩同年講習算術得宣城梅氏書讀之寢食幾廢因讀歷代史志從
容布算得古今推步之理

謹案梅氏文鼎有歷算全書大統書志
勿庵歷算書記中西經星同異攷等書

其秋移寓椿樹頭條衙

冬初王恭人自南來禮堂亦至恭人於途間遭疾幾殆到都調治兩月得痊